

四庫全書

史部

欽定四庫全書

史部

史記正義卷九至十二

詳校官編修臣李如筠

欽定四庫全書

史記正義卷九

呂后本紀第九

史記九

唐 張守節 撰

呂太后者高祖微時妃也生孝惠帝女魯元太后及高祖為漢王得定陶戚姬愛幸生趙隱王如意孝惠為人仁弱高祖以為不類我常欲廢太子立戚姬子如意如意類我戚姬幸常從上之闕東日夜啼泣欲立其子代

太子吕后年長常留守希見上益疏如意立為趙王後
幾代太子者數矣賴大臣爭之及留侯策太子得毋廢
吕后為人剛毅佐高祖定天下所誅大臣多吕后力吕
后兄二人皆為將長兄周吕侯死事封其子吕台為酈
侯子產為交侯次兄吕釋之為建成侯高祖十二年四
月甲辰崩長樂宮太子襲號為帝是時高祖八子長男
肥孝惠兄也異母肥為齊王餘皆孝惠弟戚姬子如意
為趙王薄夫人子恒為代王諸姬子子恢為梁王子友

為淮陽王子長為淮南王子建為燕王高祖弟交為楚
王兄子濞為吳王非劉氏功臣番君吳芮子臣為長沙
王呂后最怨戚夫人及其子趙王廼令永巷囚戚夫人
而召趙王使者三反趙相建平侯周昌謂使者曰高帝
屬臣趙王趙王年少竊聞太后怨戚夫人欲召趙王并
誅之臣不敢遣王王且亦病不能奉詔呂后大怒廼使
人召趙相趙相徵至長安廼使人復召趙王王來未到
孝惠帝慈仁知太后怒自迎趙王霸上與入宮自挾與

趙王起居飲食太后欲殺之不得間孝惠元年十二月
帝晨出射趙王少不能蚤起太后聞其獨居使人持醪
飲之黎明孝惠還趙王已死於是廼徙淮陽王友為趙
王夏詔賜酈侯父追謚為令武侯太后遂斷戚夫人手
足去眼煇耳飲瘖藥使居廁中命曰人彘居數日廼召
孝惠帝觀人彘孝惠見問廼知其戚夫人廼大哭因病
歲餘不能起使人請太后曰此非人所為臣為太后子
終不能治天下孝惠以此日飲為淫樂不聽政故有病

也二年楚元王齊悼惠王皆來朝十月孝惠與齊王燕
飲太后前孝惠以為齊王兄置上坐如家人之禮太后
怒廼酌兩卮酖置前令齊王起為壽齊王起孝惠亦起
取卮欲俱為壽太后廼恐自起泛孝惠卮齊王怪之因
不敢飲詳醉去問知其酖齊王恐自以為不得脫長安
憂齊內史士說王曰太后獨有孝惠與魯元公主今王
有七十餘城而公主廼食數城王誠以一郡上大后為
公主湯沐邑太后必喜王必無憂於是齊王廼上城陽

之郡尊公主為王太后呂后喜許之廼置酒齊邸

漢法諸侯

各起邸第於京師也

樂飲罷歸齊王三年方築長安城四年就半

五年六年城就諸侯來會十月朝賀七年秋八月戊寅

孝惠帝崩發喪太后哭泣不下留侯子張辟彊為侍中

年十五謂丞相曰太后獨有孝惠今崩哭不悲君知其

解乎

解紀賣反言哭解懷有所忍也又音戶賣反解節解也又紀買反謂解說也

丞相曰何

解辟彊曰帝毋壯子

母音無

太后畏君等君今請拜呂台

呂產呂祿為將將兵居南北軍及諸呂皆入宮居中用

事如此則太后心安君等幸得脫禍矣丞相廼如辟彊計太后說其哭廼哀呂氏權由此起廼大赦天下九月辛丑葬太子即位為帝謁高廟元年號令一出太后太后稱制議欲立諸呂為王問右丞相王陵王陵曰高帝刑白馬盟曰非劉氏而王天下共擊之今王呂氏非約也太后不說問左丞相陳平絳侯周勃等對曰高帝定天下王子弟今太后稱制王昆弟諸呂無所不可太后喜罷朝王陵讓陳平絳侯曰始與高帝啖血盟諸君

不在邪今高帝崩太后女主欲王呂氏諸君縱欲阿意
背約何面目見高帝地下陳平絳侯曰於今面折廷爭
臣不如君夫全社稷定劉氏之後君亦不如臣王陵無
以應之十一月太后欲廢王陵乃拜為帝太傅奪之相權
王陵遂病免歸廼以左丞相平為右丞相以辟陽侯審
食其為左丞相左丞相不治事令監宮中如郎中令食
其故得幸太后常用事公卿皆因而決事廼追尊酈侯
父為悼武王欲以王諸呂為漸四月太后欲侯諸呂廼

先封高祖之功臣郎中令無擇為博城侯

括地志云兗州博城本漢

博城縣

魯元公主薨賜謚為魯元太后子偃為魯王魯王

父宣平侯張敖也封齊悼惠王子章為朱虛侯

括地志云朱虛

故城在青州臨朐縣東六十里漢朱虛也十三州志云丹朱遊故虛故云朱虛也虛猶丘也朱猶丹也

以呂

祿女妻之齊丞相壽為平定侯少府延為梧侯乃封呂

種為沛侯

括地志云徐州沛縣古城也

呂平為扶柳侯

括地志云扶柳故城在冀

州信都縣西三十里漢扶柳縣也有澤澤中多柳故曰扶柳

張買為南宮侯太后欲

王呂氏先立孝惠後宮子彊為淮陽王子不疑為常山

王括地志云常山故城在恒州真定縣南八里本漢東垣邑也子山為襄成侯子朝

為軹侯括地志云故軹城在懷州終原縣東南十三里七國時魏邑子武為壺關侯太后風大

臣大臣請立酈侯呂台為呂王初呂台為呂王後呂產王梁更名梁曰呂太后許之建

咸康侯釋之卒嗣子有罪廢立其弟呂祿為胡陵侯縣名屬山

陽章帝改曰胡陸續康侯後二年常山王薨以其弟襄成侯為常

山王更名義十一月呂王台薨謚為肅王太子嘉代立為

王三年無事四年封呂嬃為臨光侯呂他為俞侯括地志云

故節城在德州平原縣西南三十里本漢節縣呂他邑也呂更始為贊其侯呂忿為

呂成侯

括地志云故呂城在鄧州南陽縣西三十里呂尚先祖封

及諸侯丞相五

人宣平侯女為孝惠皇后時無子佯為有身取美人子

名之

劉伯莊云諸美人元幸呂氏懷身而入宮生子

殺其母立所名子為太子

孝惠崩太子立為帝帝壯或聞其母死非真皇后子廼

出言曰后安能殺吾母而名我我未壯壯即為變太后

聞而患之恐其為亂廼幽之永巷中言帝病甚左右莫

得見太后曰凡有天下治為萬民命者蓋之如天容之

如地上有懼心以安百姓百姓欣然以事其上懼欣交

通而天下治今皇帝病久不已廼失惑惛亂不能繼嗣
奉宗廟祭祀不可屬天下其代之羣臣皆頓首言皇太
后為天下齊民計所以安宗廟社稷甚深羣臣頓首奉
詔帝廢位太后幽殺之五月丙辰立常山王義為帝更
名曰弘不稱元年者以太后稱天下事也以軹侯朝為
常山王置太尉官絳侯勃為太尉五年八月淮陽王薨
以弟壺關侯武為淮陽王六年十月太后曰呂王嘉居
處驕恣廢之以肅王台弟呂產為呂王夏赦天下封齊

悼惠王子興居為東牟侯七年正月太后召趙王友友
以諸呂女為后弗愛愛他姬諸呂女妬怒去讒之于太
后誣以罪過曰呂氏安得王太后百歲後吾必擊之太
后怒以故召趙王趙王至置邸不見令衛圍守之弗與
食其羣臣或竊饋輒捕論之趙王餓乃歌曰諸呂用事
兮劉氏危迫脅王侯兮彊授我妃我妃既妬兮誣我以
惡讒女亂國兮上曾不寤我無忠臣兮何故弃國自決
中野兮蒼天舉直于嗟不可悔兮寧蚤自財為王而餓

死兮誰者憐之呂氏絕理兮託天報仇丁丑趙王幽死以民禮葬之長安民冢次己丑日食晝晦太后惡之心不樂乃謂左右曰此為我也二月徙梁王恢為趙王呂王產徙為梁王梁王不之國為帝太傅立皇子平昌侯太為呂王更名梁曰呂呂曰濟川太后女弟呂嬃有女為營陵侯劉澤妻澤為大將軍太后王諸呂恐即崩後劉將軍為害廼以劉澤為琅邪王以慰其心梁王恢之徙王趙心懷不樂太后以呂產女為趙王后王后從官

皆諸呂擅權微伺趙王趙王不得自恣王有所愛姬王
后使人酖殺之王乃為歌詩四章令樂人歌之王悲六
月即自殺太后聞之以為王用婦人弃宗廟禮廢其嗣
宣平侯張敖卒以子偃為魯王敖賜謚為魯元王秋太
后使使告代王欲徙王趙代王謝願守代邊太傅產丞
相平等言武信侯呂祿上侯位次第一請立為趙王太
后許之追尊祿父康侯為趙昭王九月燕靈王建薨有
美人子太后使人殺之無後國除八年十月立呂肅王

子東平侯呂通為燕王封通弟呂莊為東平侯三月中

呂后被還

被芳弗反又音廢後同

過軹道見物如蒼犬據高后掖

忽弗復見卜之云趙王如意為祟高后遂病掖傷高后

為外孫魯元王偃年少蚤失父母孤弱廼封張敖前姬

兩子侈為新都侯壽為樂昌侯以輔魯元王偃及封中

大謁者張釋為建陵侯呂榮為祝茲侯諸中宦者令丞

皆為關內侯食邑五百戶七月中高后病甚廼令趙王

呂祿為上將軍軍北軍呂王產居南軍呂太后誠產祿

曰高帝已定天下與大臣約曰非劉氏王者天下共擊之今呂氏王大臣弗平我即崩帝年少大臣恐為變必據兵衛宮慎毋送喪毋為人所制辛巳高后崩遺詔賜諸侯王各千金將相列侯郎吏皆以秩賜金大赦天下以呂王產為相國以呂祿女為帝后高后已葬以左丞相審食其為帝太傅朱虛侯劉章有氣力東牟侯興居其弟也皆齊哀王弟居長安當是時諸呂用事擅權欲為亂畏高帝故大臣絳灌等未敢發朱虛侯婦呂祿女

陰知其謀恐見誅廼陰令人告其兄齊王欲令發兵西誅諸呂而立朱虛侯欲從中與大臣為應齊王欲發兵其相弗聽八月丙午齊王欲使人誅相相召平廼反舉兵欲圍王王因殺其相遂發兵東詐奪琅邪王兵并將之而西語在齊王語中齊王廼遺諸侯王書曰高帝平定天下王諸二弟悼惠王王齊悼惠王薨孝惠帝使留侯良立臣為齊王孝惠崩高后用事春秋高聽諸呂擅廢帝更立又比殺三趙王滅梁趙燕以王諸呂分齊為

四忠臣進諫上惑亂弗聽今高后崩而帝春秋富未能治天下固恃大臣諸侯而諸呂又擅自尊官聚兵嚴威劫列侯忠臣矯制以令天下宗廟所以危寡人率兵入誅不當為王者漢聞之相國呂產等廼遣潁陰侯灌嬰將兵擊之灌嬰至滎陽廼謀曰諸呂權兵關中欲危劉氏而自立今我破齊還報此益呂氏之資也廼留屯滎陽使使諭齊王及諸侯與連和以待呂氏變共誅之齊王聞之廼還兵西界待約呂祿呂產欲發亂關中內憚絳侯朱虛等外

畏齊楚兵又恐灌嬰畔之欲待灌嬰兵與齊合而發猶豫未決當是時濟川王太淮陽王武常山王朝名為少帝弟及魯元王吕后外孫皆年少未之國居長安趙王祿梁王產各將兵居南北軍皆吕氏之人列侯羣臣莫自堅其命太尉絳侯勅不得入軍中主兵曲周侯酈商老病其子寄與吕祿善絳侯廼與丞相陳平謀使人劫酈商令其子寄往紿說吕祿曰高帝與吕后共定天下劉氏所立九王吕氏立三王皆大臣之議事已布告諸

侯諸侯皆以為宜今太后崩帝少而足下佩趙王印不急之國守藩廼為上將將兵留此為大臣諸侯所疑足下何不歸將印以兵屬太尉請梁王歸相國印與大臣盟而之國齊兵必罷大臣得安足下高枕而王千里此萬世之利也呂祿信然其計欲歸將印以兵屬太尉使人報呂產及諸呂老人或以為便或曰不便計猶豫未有所決呂祿信酈寄時與出游獵過其姑呂嬃嬃大怒曰若為將而弃軍呂氏今無處矣廼悉出珠玉寶器散

堂下曰毋為他人守也左丞相食其免八月庚申旦平陽侯竄行御史大夫事見相國產計事郎中令賈壽使從齊來因數產曰王不蚤之國今雖欲行尚可得邪具以灌嬰與齊楚合從欲誅諸呂告產廼趣產急入宮平陽侯頗聞其語廼馳告丞相太尉太尉欲入北軍不得入襄平侯通尚符節廼令持節矯內太尉北軍太尉復令酈寄與典客劉揭先說呂祿曰帝使太尉守北軍欲足下之國急歸將印辭去不然禍且起呂祿以為酈兄不欺已

遂解印屬典客而以兵授太尉太尉將之入軍門行令
軍中曰為呂氏右禮為劉氏左禮軍中皆左禮為劉氏
太尉行至將軍呂祿亦已解上將印去太尉遂將北軍
然尚有南軍平陽侯聞之以呂產謀告丞相平丞相平
廼召朱虛侯佐太尉太尉令朱虛侯監軍門令平陽侯
告衛尉毋入相國產殿門呂產不知呂祿已去北軍廼
入未央宮欲為亂殿門弗得入徘徊往來平陽侯恐弗
勝馳語太尉太尉尚恐不勝諸呂未敢訟言誅之廼遣

朱虛侯謂曰急入宮衛帝朱虛侯請卒太尉予卒千餘人入未央宮門遂見產廷中日舖時遂擊產產走天風大起以故其從官亂莫敢鬪遂產殺之郎中府吏廁中朱虛侯已殺產帝命謁者持節勞朱虛侯朱虛侯欲奪節信謁者不肯朱虛侯則從與載因節信馳走斬長樂衛尉呂更始還馳入北軍報太尉太尉起拜賀朱虛侯曰所患獨呂產今已誅天下定矣遂遣人分部悉捕諸呂男女無少長皆斬之辛酉捕斬呂祿而笞殺呂嬖使

人誅燕王呂通而廢魯王偃壬戌以帝太傅食其復為
左丞相戊辰徙濟川王王梁立趙幽王子遂為趙王遣
朱虛侯章以誅諸呂氏事告齊王令罷兵灌嬰兵亦罷
滎陽而歸諸大臣相與陰謀曰少帝及梁淮陽常山王
皆非真孝惠子也呂后以計詐名他人子殺其母養後
宮令孝惠子之立以為後及諸王以彊呂氏今皆已夷
滅諸呂而置所立即長用事吾屬無類矣不如視諸王
最賢者立之或言齊悼惠王高帝長子今其適子為齊

王推本言之高帝適長孫可立也大臣皆曰呂氏以外
家惡而幾危宗廟亂功臣今齊王母家駟鈞惡人也即
立齊王則復為呂氏欲立淮南王以為少母家又惡廼
曰代王方今高帝見子最長仁孝寬厚太后家薄氏謹
良且立長故順以仁孝聞於天下便廼相與共陰使人
召代王代王使人辭謝再反然後秉六秉傳後九月晦
日巳酉至長安舍代邸大臣皆往謁奉天子璽上代王
共尊立為天子代王數讓羣臣固請然後聽東牟侯興

居曰誅呂氏吾無功請得除宮廼與太僕汝陰侯滕公入宮前謂少帝曰足下非劉氏不當立乃顧麾左右執戟者持兵罷去有數人不肯去兵官者令張澤諭告亦去兵滕公廼召乘輿車載少帝出少帝曰欲將我安之乎滕公曰出就舍舍舍少府廼奉天子法駕迎代王於邸報曰宮謹除代王即夕入未央宮有謁者十人持戟衛端門曰天子在也足下何為者而入代王廼謂太尉太尉往諭謁者十人皆持兵而去代王遂入而聽政夜有

司分部誅滅梁淮陽常山王及少帝於邸代王立為天子二十三年崩謚為孝文皇帝

太史公曰孝惠皇帝高后之時黎民得離戰國之苦君臣俱欲休息乎無為故惠帝垂拱高后女王稱制政不出房戶天下晏然刑罰罕用罪人是希民務稼穡衣食滋殖

史記正義卷九

欽定四庫全書

史記正義卷十

唐 張守節 撰

孝文本紀第十

史記十

孝文皇帝高祖中子也高祖十一年春已破陳豨軍定

代地立為代王都中都

括地志云中都故城在汾州平遙縣西南十二里秦屬太原郡

也

太后薄氏子即位十七年高后八年七月高后崩九

月諸呂呂產等欲為亂以危劉氏大臣共誅之謀召立

代王事在吕后語中丞相陳平太尉周勃等使人迎代王
代王問左右郎中令張武等張武等議曰漢大臣皆故
高帝時大將習兵多謀詐此其屬意非止此也特畏高
帝吕太后威耳今已誅諸吕新噉血京師此以迎大
王為名實不可信願大王稱疾毋往以觀其變中尉宋
昌進曰羣臣之議皆非也夫秦失其政諸侯豪桀並起
人人自以為得之者以萬數然卒踐天子之位者劉氏
也天下絕望一矣高帝封王子弟地犬牙相制此所謂

磐石之宗也天下服其彊二矣漢興除秦苛政約法令
施德惠人人自安難動搖三矣夫以呂太后之嚴立諸
呂為三王擅權專制然而太尉以一節入北軍一呼士
皆左袒為劉氏叛諸呂卒以滅之此乃天授非人力也
今大臣雖欲為變百姓弗為使其黨寧能專一邪方今
內有朱虛東牟之親外畏吳楚淮南琅邪齊代之彊方
今高帝子獨淮南王與大王大王又長賢聖仁孝聞於
天下故大臣因天下之心而欲迎立大王大王勿疑也

代王報太后計之猶與未定卜之龜卦兆得大橫占曰
大橫庚庚余為天王夏啟以光代王曰寡人固已為王
矣又何王卜人曰所謂天王者乃天子於是代王乃遣
太后弟薄昭往見絳侯絳侯等具為昭言所以迎立王
意薄昭還報曰信矣毋可疑者代王乃笑謂宋昌曰果
如公言乃命宋昌參乘張武等六人乘傳詣長安至高
陵休止

括地志云高陵故城在雍州高陵縣西南一里
本名橫橋架渭水上三輔舊事云秦於渭南有

輿宮渭北有成陽宮秦昭王欲通二宮之間造橫長橋
三百八十步橋北京石水中舊有留神象此神曾與魯

班語班令其出留曰我貌醜卿善圖物容不出班於是拱手與語曰出頭見我留乃出首班以脚畫地付留覺之便沒水故置其象於水上唯有育而使宋昌先馳之以上魏太祖馬見而驚命移下之

長安觀變昌至渭橋丞相以下皆迎宋昌還報代王馳至渭橋羣臣拜謁稱臣代王下車拜太尉勃進曰願請問言宋昌曰所言公公言之所言私王者不受私太尉乃跪上天子璽符代王謝曰至代邸而議之遂馳入代邸羣臣從至丞相陳平太尉周勃大將軍陳武御史大夫張蒼宗正劉郢朱虛侯劉章東牟侯劉興居典客劉

揭皆再拜言曰子弘等皆非孝惠帝子不審奉宗廟臣
謹請與陰安侯列侯頃王后與琅邪王宗室大臣列侯
吏二千石議曰大王高帝長子宜為高帝嗣願大王即
天子位代王曰奉高帝宗廟重事也寡人不佞不足以
稱宗廟願請楚王計宜者寡人不敢當羣臣皆伏固請
代王西鄉讓者三南鄉讓者再丞相平等皆曰臣伏計
之大王奉高帝宗廟最宜稱雖天下諸侯萬民以為宜
臣等為宗廟社稷計不敢忽願大王幸聽臣等臣謹奉

天子璽符再拜上代王曰宗室將相王列侯以為莫宜寡人寡人不敢辭遂即天子位羣臣以禮次侍乃使太僕嬰與東牟侯興居清宮奉天子法駕迎于代邸皇帝即日夕入未央宮乃夜拜宋昌為衛將軍鎮撫南北軍以張武為郎中令行殿中還坐前殿於是夜下詔書曰間者諸呂用事擅權謀為大逆欲以危劉氏宗廟賴將相列侯宗室大臣誅之皆伏其辜朕初即位其赦天下賜民爵一級女子百戶牛酒酺五日

孝文皇帝元年十月庚戌徙立故琅邪王澤為燕王辛

亥皇帝即阼

主人階也

謁高廟右丞相平

此時尚右

徙為左丞相

太尉勃為右丞相大將軍灌嬰為太尉諸呂所奪齊楚

故地皆復與之壬子遣車騎將軍薄昭迎皇太后于代

皇帝曰呂產自置為相國呂祿為上將軍擅矯遣灌將

軍嬰將兵擊齊欲代劉氏嬰留滎陽弗擊與諸侯合謀

以誅呂氏呂產欲為不善丞相陳平與太尉周勃謀奪

呂產等軍朱虛侯劉章首先捕呂產等太尉身率襄平

侯通持節承詔入北軍典客劉揭身奪趙王呂祿印益
封太尉勃萬戶賜金五千斤丞相陳平灌將軍嬰邑各
三千戶金二千斤朱虛侯劉章襄平侯通東牟侯劉興
居邑各二千戶金千斤封典客揭為陽信侯

括地志云陽信故城

在滄州無棣縣東南三十里漢陽信縣

賜金千斤十二月上曰法者治之

正也所以禁暴而率善人也今犯法已論而使母罪之
父母妻子同產坐之及為收帑朕甚不取其議之有司
皆曰民不能自治故為法以禁之相坐坐收所以累其

心使重犯法所從來遠矣如故便上曰朕聞法正則民
慤罪當則民從且夫牧民而導之善者吏也其既不能
導又以不正之法罪之是反害於民為暴者也何以禁
之朕未見其便其熟計之有司皆曰陛下加大惠德甚
盛非臣等所及也請奉詔書除收帑諸相坐律令正月
有司言曰蚤建太子所以尊宗廟請立太子上曰朕既
不德上帝神明未歆享天下人民未有噍志今縱不能
博求天下聖賢有德之人而禪天下焉而曰豫建太子

是重吾不德也謂天下何其安之有司曰豫建太子所以重宗廟社稷不忘天下也上曰楚王季父也春秋高閱天下之義禮多矣明於國家之大體吳王於朕兄也惠仁以好德淮南王弟也秉德以陪朕豈為不豫哉諸侯王宗室昆弟有功臣多賢及有德義者若舉有德以陪朕之不能終是社稷之靈天下之福也今不選舉焉而曰必子人其以朕為忘賢有德者而專於子非所以憂天下也朕甚不取也有司皆固請曰古者殷周有國

治安皆千餘歲古之有天下者莫不長焉用此道也立
嗣必子所從來遠矣高帝親率士大夫始平天下建諸
侯為帝者太祖諸侯王及列侯始受國者皆亦為其國
祖子孫繼嗣世世弗絕天下之大義也故高帝設之以
撫海內今釋宜建而更選於諸侯及宗室非高帝之志
也更議不宜子某最長純厚慈仁請建以為太子上乃
許之因賜天下民當代父後者爵各一級封將軍薄昭
為軹侯三月有司請立皇后薄太后曰諸侯皆同姓立

太子母為皇后皇后姓竇氏上為立后故賜天下鰥寡
孤獨窮困及年八十已上孤兒九歲已下布帛米肉各
有數上從代來初即位施德惠天下填撫諸侯四夷皆
洽驩乃循從代來功臣上曰方大臣之誅諸呂迎朕朕
狐疑皆止朕唯中尉宋昌勸朕朕以得保奉宗廟已尊

昌為衛將軍其封昌為壯武侯

括地志云壯武侯故城在
萊州即墨縣西六十里

古萊夷國有漢
壯武縣故城

諸從朕六人官皆至九卿

漢置九卿一
曰太常二曰

光祿三曰衛尉四曰太僕五曰廷尉六曰大鴻臚
七曰宗正八曰大司農九曰少府是為九卿也

上曰

列侯從高帝入蜀漢中者六十八人皆益封各三百戶

故吏二千石以上從高帝潁川守尊等十人食邑六百

戶淮陽守申屠嘉等十人五百戶衛尉定等十人四百

戶封淮南王舅父趙兼為周陽侯

括地志云周陽故城在絳州聞喜縣東二

十九里

齊王舅父駟鈞為清郭侯秋封故常山丞相蔡兼

為樊侯

括地志云漢樊縣城在兗州瑕丘西南一十里地理志云樊縣古樊國仲小甫所封

人

或說右丞相曰君本誅諸呂迎代王今又矜其功受上

賞處尊位禍且及身右丞相勃乃謝病免罷左丞相平

專為丞相

二年十月丞相平卒復以絳侯勃為丞相上曰朕聞古者諸侯建國千餘歲各守其地以時入貢民不勞苦上下驩心靡有遺德今列侯多居長安邑遠吏卒給輸費苦而列侯亦無由教訓其民

訓古訓字

其令列侯之國為吏

及詔所止者遣太子十一月晦日有食之

按說文云日蝕則朔月蝕

則望而云晦日蝕之恐厯錯誤

十二月望日又食上曰朕聞之天生蒸

民為之置君以養治之人主不德布政不均則天示之

以蓄以誠不治乃十一月晦日有食之適見于天蓄孰
大焉朕獲保宗廟以微眇之身託于兆民君王之上天
下治亂在朕一人唯二三執政猶吾股股也朕下不能
理育羣生上以累三光之明其不德大矣今至其恚思
朕之過失及知見思之所不及白以告朕及舉賢良方
正能直言極諫者以匡朕之不逮因各飭其任職務省
繇費以便民朕既不能遠德故憫然念外人之有非是
以設備未息今縱不能罷邊屯戍而又飭兵厚衛其罷

衛將軍軍太僕見馬遺財足餘皆以給置傳正月上曰
農天下之本其開籍田朕親率耕以給宗廟粢盛三月
有司請立皇子為諸侯王上曰趙幽王幽死朕甚憐之
已立其長子遂為趙王遂弟辟彊及齊悼惠王子朱虛
侯章東牟侯興居有功可王乃立趙幽王少子辟彊為
河間王以齊劇郡立朱虛侯為城陽王立東牟侯為濟
北王皇子武為代王子參為太原王子揖為梁王上曰
古之治天下朝有進善之旌誹謗之木所以通治道而

來諫者今法有誹謗妖言之罪是使衆臣不敢盡情而
上無由聞過失也將何以來遠方之賢良其除之民或
祝詛上以相約結而後相謾吏以為大逆其有他言而
吏又以為誹謗此細民之愚無知抵死朕甚不敢自今
以來有犯此者勿聽治九月初與郡國守相為銅虎符
竹使符

三年十月丁酉晦日有食之十一月上曰前日計遣列
侯之國或辭未行丞相朕之所重其為朕率列侯之國

絳侯勃免丞相就國以太尉潁陰侯嬰為丞相罷太尉
官屬丞相四月城陽王章薨淮南王長與從者魏敬殺
辟陽侯審食其五月匈奴入北地居河南為寇帝初幸
甘泉六月帝曰漢與匈奴約為昆弟毋使害邊境所以
輸遺匈奴甚厚今右賢王離其國將衆居河南降地非
常故往來近塞捕殺吏卒驅保塞蠻夷令不得居其故
陵轢邊吏入盜甚教無道非約也其發邊吏騎八萬五
千詣高奴遣丞相潁陰侯灌嬰擊匈奴匈奴去發中尉

材官屬衛將軍軍長安辛卯帝自甘泉之高奴因幸太

原見故羣臣皆賜之舉功行賞諸民里賜牛酒復晉陽

中都民

故城在汾州平遙縣西南十三里

三歲留游太原十餘日濟北

王興居聞帝之代欲往擊胡乃反發兵欲襲滎陽於是

詔罷丞相兵遣棘蒲侯陳武為大將軍將十萬往擊之

祁侯賀

括地志云并州祁縣城晉大夫祁奚之邑

為將軍軍滎陽七月辛亥

帝自太原至長安廼詔有司曰濟北王背德反上誅誤

吏民為大逆濟北吏民兵未至先自定及以軍地邑降

者皆赦之復官爵與王興居去來亦赦之八月破濟北
軍虜其王赦濟北諸吏民與王反者六年有司言淮南
王長廢先帝法不聽天子詔居處毋度出入擬於天子
擅為法令與棘蒲侯太子竒謀反遣人使閩越及匈奴
發其兵欲以危宗廟社稷羣臣議皆曰長當弃市帝不
忍致法於王赦其罪廢勿王羣臣請處王蜀嚴道卬都
卬其恭反括地志云嚴道今為縣即卬州所理縣也縣
有蠻夷曰道故曰嚴道卬都縣本都國漢為縣今雋州
也西南夷傳云滇池以北君長以十數卬都最大是也
按羣臣請處淮南王長屬之嚴道不爾更遠卬都西有

卬焚山也又卬焚山在雅州榮經縣界榮經武德年間
置本秦巖也華陽國志云卬笮山故卬人笮人界也山
巖峭峻曲回九折乃至上下有疑水按卽王尊登者也
今從九折西南行至嵩州山多雨少晴俗呼名為漏天
帝許之長未到處所行病死上憐之後十六年追尊淮
南王長謚為厲王立其子三人為淮南王衡山王廬江王
十三年夏上曰蓋聞天道禍自怨起而福緣德興百官
之非宜由朕躬今祕祝之官移過于下以彰吾之不德
朕甚不取其除之五月齊太倉令淳于公有罪當刑詔
獄逮徙繫長安太倉公無男有女五人太倉公將行會

逮罵其女曰生子不生男有緩急非有益也其少女緹
縈自傷泣乃隨其父至長安上書曰妾父為吏齊中皆
稱其廉平今坐法當刑妾傷夫死者不可復生刑者不
可復屬雖復欲改過自新其道無由也妾願沒入為官
婢贖父刑罪使得自新書奏天子天子憐悲其意乃下
詔曰蓋聞有虞氏之時畫衣冠異章服以為僂
晉書刑
法志云
三皇設言而民不違五帝畫衣冠而民知禁犯黜者皂
其中犯劓者丹其服犯贖者墨其體犯官者離其屨大
辟之罪殊刑之極布其衣裙而
無顏緣投之於市與眾棄之
而民不犯何則至治也

今法有肉刑三而姦不止其咎安在非乃朕德薄而教不明歟吾甚自愧故夫馴道不純而愚民陷焉詩曰愷悌君子民之父母今人有過教未施而刑加焉或欲改行為善而道毋由也朕甚憐之夫刑至斷支體刻肌膚終身不息何其楚痛而不德也豈稱為民父母之意哉其除肉刑上曰農天下之本務莫大焉今勤身從事而有租稅之賦是為本末者毋以異其於勸農之道未備其除田之租稅

十四年冬匈奴謀入邊為寇攻朝那塞殺北地都尉卬
上乃遣三將軍軍隴西北地上郡中尉周全為衛將軍
郎中令張武為車騎將軍軍渭北車千乘騎卒十萬帝
親自勞軍勒兵申教令賜軍吏卒帝欲自將擊匈奴羣
臣諫皆不聽皇太后固要帝帝乃止於是以前陽侯張
敖如為大將軍成侯赤為內史樂布為將軍擊匈奴匈
奴遁走春上曰朕獲執犧牲珪幣以事上帝宗廟十四
年于今歷日縣長以不敏不明而久撫臨天下朕甚自

愧其廣增諸祀瑋場珪幣昔先王遠施不求其報望祀
不祈其福右賢左戚先民後已至明之極也今吾開祠
官祝釐皆歸福朕躬不為百姓朕甚愧之夫以朕不德
而躬享獨美其福百姓不與焉是重吾不德其令祠官
致敬毋有所祈是時北平侯張蒼為丞相方明律歷魯
人公孫臣上書陳終始傳五德事言方今土德時土德
應黃龍見當改正朔服色制度天子下其事與丞相議
丞相推以為今水德始明正十月上黑事以為其言非

是請罷之

十五年黃龍見成紀天子乃復召魯公孫臣以為博士
申明土德事於是上乃下詔曰有異物之神見于成紀
無害於民歲以有年朕親郊祀上帝諸神禮官議毋諱
以勞朕有司禮官皆曰古者天子夏躬親禮祀上帝於
郊故曰郊於是天子始幸雍郊見五帝以孟夏四月荅
禮焉趙人新垣平以望氣見因說上設立渭陽五廟欲
出周鼎當有玉英見

十六年上親郊見渭陽五帝廟亦以夏荅禮而尚赤

十七年得玉杯刻曰人主延壽於是天子始更為元年
令天下大酺其歲新垣平事覺夷三族後二年上曰朕
既不明不能遠德是以使方外之國或不寧息夫四荒
之外不安其生封畿之內勤勞不處二者之咎皆自於
朕之德薄而不能遠達也間者累年匈奴並暴邊境多
殺吏民邊臣兵吏又不能諭吾內志以重吾不德也夫
久結難連兵中外之國將何以自寧今朕夙興夜寐勤

勞天下憂苦萬民為之怛惕不安未嘗一日忘於心故

遣使者冠蓋相望結軼

轍音

於道以諭朕意於單于今單

于反古之道計社稷之安便萬民之利親與朕俱棄細
過偕之大道結兄弟之義以全天下元元之民和親已
定始于今年後六年冬匈奴三萬人入上郡三萬人入
雲中以中大夫令勉為車騎將軍軍飛狐故楚相蘇意
為將軍軍句注將軍張武屯北地河內守周亞夫為將
軍居細柳宗正劉禮為將軍居霸上祝茲侯軍棘門以

備胡數月胡人去亦罷天下旱蝗帝加惠令諸侯毋入貢弛山澤減諸服御狗馬損郎吏員發倉庾以振貧民民得賣爵孝文帝從代來即位二十三年宮室苑囿狗馬服御無所增益有不便輒弛以利民嘗欲作露臺召匠計之直百金上曰百金中民十家之產吾奉先帝宮室常恐羞之何以臺為上常衣綈衣所幸慎夫人令衣不得曳地幃帳不得文繡以示敦樸為天下先治霸陵皆以瓦器不得以金銀銅錫為飾不治墳欲為省毋煩

民南越王尉佗自立為武帝然上召責尉佗兄弟以德報之佗遂去帝稱臣與匈奴和親匈奴背約入盜然令邊備守不發兵深入惡煩苦百姓吳王詐病不朝就賜几杖羣臣如袁盎等稱說雖切常假借用之羣臣如張武等受賂遺金錢覺上乃發御府金錢賜之以愧其心弗下吏專務以德化民是以海內殷富興於禮義後七年六月己亥帝崩於未央宮遺詔曰朕聞蓋天下萬物之萌生靡不有死死者天地之理物之自然者奚可甚

哀當今之時世咸嘉生而惡死厚葬以破業重服以傷生吾甚不取且朕既不德無以佐百姓今崩又使重服久臨以離寒暑之數哀人之父子傷長幼之志損其飲食絕鬼神之祭祀以重吾不德也謂天下何朕獲保宗廟以眇眇之身託于天下君王之上二十有餘年矣賴天地之靈社稷之福方內安寧靡有兵革朕既不敏常畏過行以羞先帝之遺德維年之久長懼于不終今乃幸以天年得復供養于高廟朕之不明與嘉之其奚哀

悲之有其令天下吏民令到出臨三日皆釋服毋禁取
婦嫁女祠祀飲酒食肉者自當給喪事服臨者皆無踐
經帶無過三寸毋布車及兵器毋發人男女哭臨宮殿
宮殿中當臨者皆以旦夕各十五舉聲禮畢罷非旦夕
臨時禁毋得擅哭以下服大紅十五日小紅十四日纖
七日釋服佗不在令中者皆以此令比率從事布告天
下使明知朕意霸陵山川因其故毋有所改歸夫人以
下至少使令中尉亞夫為車騎將軍屬國悍為將屯將

軍郎中令武為復土將軍發近縣見卒萬六千人發內
史卒萬五千人藏郭穿復土屬將軍武乙巳羣臣皆頓
首上尊號曰孝文皇帝太子即位于高廟丁未襲號皇
帝孝景皇帝元年十月制詔御史蓋聞古者祖有功而
宗有德制禮樂各有由聞歌者所以發德也舞者所以
明功也高廟酎奏武德文始五行之舞孝惠廟酎奏文
始五行之舞孝文皇帝臨天下通關梁不異遠方除誹
謗去肉刑賞賜長老收恤孤獨以育羣生減嗜欲不受

獻不私其利也罪人不孥不誅無罪除肉刑出美人重
絕人之世朕既不敏不能識此皆上古之所不及而孝
文皇帝親行之德厚侔天地利澤施四海靡不獲福焉
明象乎日月而廟樂不稱朕甚懼焉其為孝文皇帝廟
為昭德之舞以明休德然後祖宗之功德著於竹帛施
於萬世永永無窮朕甚嘉之其與丞相列侯中二千石
禮官具為禮儀奏丞相臣嘉等言陛下永思孝道立昭
德之舞以明孝文皇帝之盛德皆臣嘉等愚所不及臣

謹議世功莫大於高皇帝德莫盛於孝文皇帝高皇廟
宜為帝者太祖之廟孝文皇帝廟宜為帝者太宗之廟
天子宜世世獻祖宗之廟郡國諸侯宜各為孝文皇帝
立太宗之廟諸侯王列侯使者侍祠天子歲獻祖宗之
廟請著之竹帛宣布天下制曰可

太史公曰孔子言必世然後仁善人之治國百年亦可
以勝殘去殺誠哉是言漢興至孝文四十有餘載德至
盛也廩廩鄉改正服封彊矣謙讓未成於今嗚呼豈不

仁哉

史記正義卷十

欽定四庫全書

史記正義卷十一

唐 張守節 撰

孝景本紀第十一

史記十一

孝景皇帝者

諡法曰繇義而濟曰景

孝文之中子也母竇太后孝

文在代時前后有三男及竇太后得幸前后死及三子
更死故孝景得立

元年四月乙卯赦天下乙巳賜民爵一級五月除田半

祖為孝文立太宗廟令羣臣無朝賀匈奴入代與約和親

二年春封故相國蕭何孫係為武陵侯男子二十而得傳四月壬午孝文太后崩廣川長沙王皆之國丞相申

屠嘉卒八月呂御史大夫開封侯陶青為丞相彗星出

東北秋衡山雨雹

雨于付反

大者五寸深者二尺熒惑逆行

守北辰月出北辰間歲星逆行天廷中置南陵及內史

殺裒為縣

三年正月乙巳赦天下長星出西方天火燔雒陽東宮

大殿城室吳王濞

音披備反高祖兄仲子故漢高祖十二年封三十三年反年表云都無其

實也在江都也

楚王戊

高祖弟楚王交孫嗣二十一年都彭城

趙王遂

高祖孫幽王友子嗣

二十六年及都邯鄲

膠西王卬

卬五郎反高祖孫齊悼惠王悼惠王子故昌侯十年反都密州高密

濟南王辟光

辟音壁高祖孫齊悼惠王子故初侯立十一年反拈地志云濟南故城在淄州

長山縣西北三十里

菑川王賢

高祖孫齊悼惠王子故武城侯立十一年反都劇拈地志云菑州縣

也故劇城在青州壽光縣南三十一里故紀國

膠東王雄渠

高祖孫齊悼惠王子故自石侯五十

一年反都即墨拈地志云即墨故城在密州膠水縣東南六十里即墨東國

反發兵西鄉天

子為誅晁錯遣袁盎諭告不止遂西圍梁

梁孝王都睢陽今宋州

上乃遣大將軍竇嬰大尉周亞夫將兵誅之六月乙亥

赦七軍及楚元王子執等

藝魚曳反字亦作藝音同

與謀反者封大

將軍竇嬰為魏其侯

地理志云魏其屬琅邪

立楚元王子平陸侯

應劭云平陸西河縣

劉禮為楚王立皇子端為膠西王子勝為中

山王徙濟北王志

濟子禮反濟北國今濟州盧縣即濟北王所都

為菑川王淮

陽王餘

淮陽國今陳州

為魯王

今兗州曲阜縣

汝南王非

汝南國今豫州

為江

都王

江都國今揚州也吳王濞所都反誅景帝改為江都國封皇子非也

齊王將廬

齊國

青州臨淄也將盧齊悼惠王之孫襄王之子年表云燕王嘉皆薨

四年夏立太子立皇子徹為膠東王六月甲戌赦天下

後九月更以弋陽為陽陵

括地志云漢景帝陵也在雍州咸陽縣東三十里按杜作

壽陵也復置津關用傳出入冬以趙國為邯鄲郡

五年三月作陽陵渭橋五月募徙陽陵予錢二十萬江

都大暴風從西方來壞城十二丈丁卯封長公主子嬌

為隆慮侯徙廣川王為趙王

六年春封中尉趙綰為建陵侯

括地志云建陵故縣在沂州承縣界江都

丞相嘉為建平侯隴西太守渾邪為平曲侯

括地志云平曲縣故

城在隴州文安縣北七十里

趙丞相嘉為江陵侯故將軍布為郿侯

梁楚二王皆薨後九月伐馳道樹殖蘭池

按馳道天子道秦始皇作

之丈而樹

七年冬廢栗太子為臨江王

臨江志州縣雖王臨江而都沅陵

十二月

晦日有食之春免徒隸作陽陵者丞相青免二月乙巳

以太尉條侯

條田彫反字亦作條音同

周亞夫為丞相四月乙巳立

膠東王太后為皇后丁巳立膠東王為太子名徹

中元年封故御史大夫周苛孫平為繩侯故御史大夫周昌子左車為安陽侯四月乙巳赦天下賜爵一級除禁錮地動衡山原都雨雹大者尺八寸

中二年二月匈奴入燕遂不和親三月召臨江王來即死中尉府中夏立皇子越為廣川王子寄為膠東王封四侯九月甲戌日食

中三年冬罷諸侯御史中丞春匈奴王二人率其徒來

降皆封為列侯

漢書表云中三年安陵侯子軍桓侯賜道侯陸強容城侯徐應易侯僕日范陽

侯代翁侯邯鄲七人以匈奴王降皆封為列侯按紀言二人者是匈奴二王為首降立皇子方乘

為清河王三月彗星出西北丞相周亞夫死以御史大夫桃侯
劉舍為丞相四月地動九月戊戌晦日食軍東都門外

中四年三月置德陽宮大蝗秋赦徒作陽陵者

中五年夏立皇子舜為常山王封十侯

惠景間年表云
亞王侯廬他之

龍廬侯陳留矯乘氏侯劉買桓邑侯劉明蓋侯王信按
其五人是中元五年封餘檢不獲中元三年匈奴王二
人降封為列侯惠景間表云匈奴王降
為侯者有七人三其五入是十侯之數六月丁巳赦天

下賜爵一級天下大潦更命諸侯丞相曰相秋地動

中六年二月己卯行幸雍郊見五帝三月雨雹四月梁孝王

都睢

陽今宋州

城陽共王

城陽今僕州雷縣古城陽也共音恭謚法嚴敬故事曰恭

汝南王皆薨立梁

孝王子明為濟川王

表云分梁置也

子彭離為濟東王

表云分梁置也

子定

為山陽王

地理志云景帝中六年別為山陽國屬兗州

子不識為濟陰王

地理志云景帝中六年別為濟陰國

屬兗州梁今曹州是也

梁分為五封四侯更命廷尉為大理將作

少府為將作大匠主爵中尉為都尉長信詹事為長信

少府將行為大長秋大行為行人奉常為太常典客為

大行治粟內史為大農以大內為二千石置左右內官

屬大內七月辛亥日食八月匈奴入上郡

後元年冬更命中大夫為衛尉

漢書百官表云衛尉秦官掌宮闈門衛屯兵景

帝初更名中大夫分後元年復為衛尉

三月丁酉赦天下賜爵一級中二

千石諸侯相爵右庶長四月大酺五月丙戌地動其蚤
食時復動上庸地動二十二日壞城垣七月乙巳日食
丞相劉舍免八月壬辰以御史大夫綰為丞相封為建
陵侯

後二年正月地一日三動郅將軍

郅真栗反郅都傳云匈奴刻木為郅都而

射不擊匈奴酺五日令內史郡不得食馬粟没入縣官

中令徒隸衣七綬布

衣於既反綬祖工反綬八十綬也與布相似七升布用五百六十縫止

馬春為歲不登禁天下食不造歲省列侯遣之國三月

匈奴入鴈門十月租長陵田大旱衡山國河東雲中郡

衡山國今衡州河東今蒲州雲中郡今勝州民疫

後三年十月日月皆食赤五日十二月晦雷日如紫五

星逆行守太微月貫天庭中正月甲寅皇太子冠甲子

孝景皇帝崩遺詔賜諸侯王以下至民為父後爵一級

天下戶百錢出宮人歸其家復無所與太子即位是為
孝武皇帝三月封皇太后弟蚡為武安侯弟勝為周陽
侯置陽陵

太史公曰漢興孝文施大德天下懷安至孝景不復憂
異姓而晁錯刻削諸侯遂使七國俱起合從而西鄉以
諸侯大盛而錯為之不以漸也及主父偃言之而諸侯
以弱卒以安安危之機豈不以哉

史記正義卷十一

欽定四庫全書

史記正義卷十二

唐 張守節 撰

孝武本紀第十二

史記十二

孝武皇帝者

謚法云克定禍亂曰武

孝景中子也母曰王太后孝

景四年以皇子為膠東王孝景七年栗太子廢為臨江王以膠東王為太子孝景十六年崩太子即位為孝武皇帝孝武皇帝初即位尤敬鬼神之祀元年漢興已六

十餘歲矣天下又安薦紳之屬

又音魚
廢反

皆望天子封禪

改正度也而上卿儒術招賢良趙綰王臧等以文學為公

卿欲議古立明堂城南以朝諸侯草巡狩封禪改歷服

色事未就會竇太后治黃老言不好儒術使人微得趙

綰等姦利事召案綰臧綰臧自殺

漢書孝武帝二年御
史大夫趙綰坐請無

奏事太皇太后及郎中令王臧皆下獄自殺應劭云王
臧儒者欲立明堂辟雍太后素好黃老術非薄五經因

故絕奏事太后
太后怒故令殺諸所興為者皆廢後六年竇太后崩其

明年上徵文學之士公孫弘等明年上初至雍郊見五

時

時音止括地志云漢五帝時在岐州雍縣南孟康云時者神靈之所止或曰在雍州雍縣南孟康云時者

神靈上帝也按五時者郡時密時吳陽時北時先是文公作郡時祭白帝泰宣公作密時祭青帝秦靈公作吳

陽上時下時祭祭赤黃帝漢高祖作北時祭黑帝是五時也

後常三歲一郊是時上

求神君

漢武帝故事云起柏梁臺以處神君長陵女子也先是嫁為人妻生一男數歲死女子悼痛之

歲中亦死而靈宛若祠之遂聞言宛若為生民人多往請福說家人小事有驗平原君亦事之至後子孫尊貴

及上即位太后延於宮中祭之聞其言不見其人至是神君求出為營柏梁臺舍之初霍去病微時自禱神君

及見其形自脩飾欲與去病交接去病不肯謂神君曰吾以神君精潔故齋戒祈福今欲媼此非也自絕不復

往神君慙之乃去也

舍之上林中蹠氏觀神君者長陵女子以子

死悲哀故見神於先後宛若宛若祠之其室民多往祠
平原君往祠其後子孫以尊顯及武帝即位則厚禮置
祠之內中聞其言不見其人云是時而李少君亦以祠
竈穀道郤老方見上上尊之少君者故深澤侯入以主
方匿其年及所生長常自謂七十能使物郤老其游以
方徧諸侯無妻子人聞其能使物及不死更饋遺之常
餘金錢帛衣食人皆以為不治產業而饒給又不知其
何所人愈信爭事之少君資好方善為巧發竒中嘗從

武安侯飲坐中有年九十餘老人少君乃言與其大父游射處老人為兒時從其大父行識其處一坐盡驚少

君見上上有故銅器問少君少君曰此器齊桓公十年

陳於栢寢

括地志云栢寢臺在青州壬乘縣東北二十里韓子云景公與晏子遊於少海登栢寢

之臺而望其國公曰美哉堂手後代孰將有此晏子云其田氏乎公曰寡人有國而田氏家柰何對曰奪之則近賢遠不肖治其煩亂輕其刑罰振窮乏恤孤寡行恩惠崇節儉雖十田氏其如何當即此也已而案

其刻果齊桓公器一宮盡駭以少君為神數百歲人也少君言於上曰祠寵則致物致物而丹砂可化為黃金

黃金成以為飲食器則益壽益壽而海中蓬萊僊者可

見見之以封禪則不死黃帝是也臣嘗游海上見安期

生

列仙傳云安期生琅耶阜鄉亭人也賣藥海邊秦始皇請語三夜賜金數千萬出於阜鄉亭皆置去留書

以赤玉舄一重為報曰後千歲求我於蓬萊山下

食巨棗大如瓜安期生僊者

通蓬萊中合則見人不合則隱於是天子始親祠竈而

遣方士入海求蓬萊安期生之屬而事化丹砂諸藥齊

為黃金矣居久之李少君病死

漢書起后注云李少君將去武帝夢與共登嵩

高山半道有使乘龍時從雲中云太一請少君謂左右將舍我去矣數月而少君病死又發棺看唯衣冠在

也天子以為化去不死也而使黃鍾音直史寬舒受其

方

姓史名寬舒

求蓬萊安期生莫能得而海上燕齊怪迂之

方士多相效更言神事矣亳人薄誘忌奏祠泰一方曰

天神貴者泰一泰一佐曰五帝

五帝五天帝也國語云蒼帝靈威仰赤帝赤熛怒白

帝曰招矩黑帝叶光紀黃帝含樞組尚書帝命驗云蒼帝名靈威仰赤名文祖黃帝名神汗白帝名顯紀黑帝

名玄矩佐者謂配祭也

古者天子以春秋祭泰一東南郊用太牢

具七日為壇開八通之鬼道於是天子令太祝立其祠

長安東南郊常奉祠如忌方其後人有上書言古者天

子三年一用太牢具祠神三天一地一泰一天子許

之令太祝領祠之忌泰一壇上如其方後人復有上書

言古者天子常以春秋解祠祠黃帝用一梟破鏡冥羊

用羊祠馬行

神名也

用一青牡馬泰一隼山山君地長

文

反三並

用牛武夷君

神名

用乾魚陰陽使者以一牛令祠

官領之如其方而祠於忌泰一壇旁其後天子苑有白

鹿以其皮為幣以發瑞應造白金馬

白金三品武帝所鑄也如淳曰雜鑄

銀鈎馬白金也平準書云造銀錫為白金以為天用莫如龍地用莫如馬人用莫如龜故曰白金三品其一曰

重八兩圓之其文龍名曰白選直三千二曰重差小方之其文馬直五百三曰復小隨之其文龜直三百錢譜云白金第一其形圓如錢肉好圓文為一龍白銀第二其形方小長肉好亦小長好上下文為二馬白銀第三其形似龜肉好小是文為龜甲也其明年郊雍獲一角獸若麋然有司

曰陛下肅祗郊祀上帝報享錫一角獸蓋麟云

漢書終軍傳云

從上雍獲白麟一角戴肉設武備而不為害所以為仁

於是薦五時時加一牛

以燎

力召反焚也

賜諸侯白金以風符應合于天地於是濟

北王以為天子且封禪乃上書獻泰山及其旁邑天子受之更以他縣償之常山王有臯遷天子封其弟於真

定以續先王祀而以常山為郡然後五嶽皆在天子之

郡其明年齊人少翁

漢武故事云少翁年二百歲色如童子

以鬼神方見

上上有所幸王夫人

漢書作李夫人

夫人卒少翁以方術蓋夜

致王夫人及竈鬼之貌云天子自帷中望見焉於是乃

拜少翁為文成將軍賞賜甚多以客禮禮之文成言曰

上即欲與神通宮室被服不象神神物不至乃作畫雲

氣車及各以勝日駕車辟惡鬼又作甘泉宮中為臺室

畫天地泰一諸神而置祭具以致天神居歲餘其方益

哀神不至乃為帛書以飯牛

飯房晚反書帛帛上為怪言語以飼牛

詳弗

知也言此牛腹中有奇殺而視之得書書言甚怪天子

疑之有識其手書問之人果為書於是誅文成將軍

漢武

故事云文成誅月餘日使者藉貨關東還達之不漕亭還見言之上乃疑發其棺無所見唯有竹筒一枚捕驗問無蹤跡也而隱之其後則又作栢梁桐柱承露僊人掌之屬

矣文成死明年天子病鼎湖甚巫醫無所不致至不愈游

水發根乃言曰上郡有巫病而鬼下之上召置祠之甘

衆及病使人問神君神君言曰天子毋憂病病少愈強

與我會甘泉於是病愈遂幸甘泉病良已大赦天下置
壽宮神君神君最貴者大夫其佐曰大禁司命之屬皆
從之非可得見聞其音與人言等時去時來來則風靡
然也居室帷中時晝言然常以夜天子被然後入因巫
為主人關飲食所欲者言行下又置壽宮北宮

括地志云壽宮

北宮皆在雍州長安縣西北三十里長安故城中漢書云武帝壽宮以處神君張羽旗設供具

以禮神君神君所言上使人受書其言命之曰書法

書音

獲按書一之法其所語世俗之所知也毋絕殊者而天子獨喜

其事祕世莫知也其後三年有司言元宜以天瑞命不

宜以一二數

孝景以前即位以一二數年至其終武帝即位初有年號改元以建元為始一

元曰建元二元以長星曰元光三元以郊得一角獸曰
元狩云其明年冬天子郊雍議曰今上帝朕親郊而后
土母祀則禮不答也有司與太史公祠官寬舒等議天
地牲角繭栗令陛下親祀后土后土宜於澤中圜邱為
五壇壇一黃犢太牢具已祠盡瘞而從祠衣上黃於是
天子遂東始立后土祠汾陰脽上如寬舒等議上親望

拜如上帝禮禮畢天子遂至滎陽而還過碓陽下詔曰
三代邈絕遠矣難存其以三十里地封周後為周子南
君以奉先王祀焉是歲天子始巡郡縣侵尋於泰山矣
其春樂成侯上書言樂大樂大膠東宮人故嘗與文成
將軍同師已而為膠東王尚方而樂成侯姊為康王后
母子康王死他姬子立為王而康后有淫行與王不相
中得相危以法康后聞文成已死而欲自媚於上乃遣
樂大因樂成侯求見言方天子既誅文成後悔恨其早

死惜其方不盡及見藥大大悅大為人長美言多方畧而敢為大言處之不疑大言曰臣嘗往來海中見安期羨門之屬顧以為臣賤不信臣又以為康王諸侯耳不足予方臣數言康王康王又不用臣臣之師曰黃金可成而河決可塞不死之藥可得僊人可致也臣恐效文成則方士皆掩口惡敢言方哉上曰文成食馬肝死耳子誠能脩其方我何愛乎大曰臣師非有求人人者求之陛下必欲致之則貴其使者令有親屬以客禮待之

勿卑使各佩其信印乃可使通言於神人神人尚肯邪

不邪致尊其使然後可致也於是上使先驗小方闕旗

旗

音其文本或作碁說文云棋博碁也高誘註淮南子云取雞血與針磨搏之以和磁石用塗碁頭曝乾之

置局上即相拒不止也

自相觸擊是時上方憂河決而黃金不就

鍊丹砂鉛錫為黃金不就

乃拜大為五利將軍居月餘得四金印佩

天士將軍地士將軍大通將軍天道將軍印制詔御史

昔禹疏九江決四瀆間者河溢準陸隄繇不息

顏師古云準水

旁地也廣平曰陸言水大汎溢自準及陸而隄作堤徭役甚多不暇休息朕臨天下二十有

八年天若遺朕士而大通焉乾稱蜚龍鴻漸于般意庶
幾與焉其以二千戶封地士將軍大為樂通侯賜列侯
甲第僮千人乘輿斥車馬帷帳器物以充其家又以衛
長公主妻之齎金萬斤更名其邑曰當利公主天子親
如五利之第使者存問所給連屬於道自大主將相以
下皆置酒其家獻遺之於是天子又刻玉印曰天道將
軍使使衣羽衣夜立白茅上五利將軍亦衣羽衣立白
茅上受印以示弗臣也而佩天道者且為天子道天神

也於是五利常夜祠其家欲以下神神未至而百鬼集矣然頗能使之其後治裝行東入海求其師云大見數月佩六印貴振天下而海上燕齊之間莫不撻腕而自言有禁方能神僊矣其夏六月中汾陰巫錦為民祠魏雎后土營旁見地如鉤狀掇視得鼎鼎大異於衆鼎文鏤無款識怪之言吏吏告河東太守勝勝以聞天子使使驗問巫錦得鼎無姦詐乃以禮祠迎鼎至甘泉從行上薦之至中山晏溫有黃雲蓋焉有庶過上自射之因以

祭云至長安公卿大夫皆議請尊寶鼎天子曰間者河
溢歲數不登故巡祭后土祈為百姓育穀今年豐廩未
有報鼎曷為出哉有司皆曰聞昔太帝興神鼎一一者
一統天地萬物所繫終也黃帝作寶鼎三象天地人也
禹收九牧之金鑄九鼎皆嘗醵烹上帝鬼神遭聖則興
遭逢也鼎雖淪泗水蓬聖興
起故出汾陰西至甘泉也遷于夏商周德衰宋之社
亡社主民也社以石為之宋社即亳社也周武王伐紂
乃立亳社以為監戒覆上棧下使通天地陰陽之氣
周禮袁國將危民故鼎乃淪伏而不見頌云自堂徂基
宋之社為亡殷復也

此以下至胡考之休是周頌絲衣之詩自堂從內往外
基門內塾也鄭元云門側之堂謂之塾釋禮輕使士升
堂視壺濯及籩豆之屬降往於塾牲自
羊犂牛充包乃舉鼎告潔禮之次也
自羊犂牛

自堂往塾

先視羊後及牛也
毛

鼎及牛不虞不驚胡考之休今

鼎至甘泉光潤龍變承休無彊合茲中山有黃白雲降

蓋若獸為符是甘泉更路弓乘矢集獲壇下報祠大饗

惟受命而帝者心知其意而合德焉鼎宜見於祖禰藏

於帝廷以合明應制曰可入海求蓬萊者

蓬萊方丈瀛洲勃海中三

神山也

言蓬萊不遠而不能至者殆不見其氣上乃遣望

氣佐候其氣云其秋上幸雍且郊或曰五帝泰一之佐也宜立泰一而上親郊之上疑未定齊人公孫卿曰今年得寶鼎其冬辛巳朔旦冬至與黃帝時等卿有札書曰黃帝得寶鼎宛侯問於鬼臾區區對曰黃帝得寶鼎神策是歲己酉朔旦冬至得天之紀終而復始於是黃帝迎日推策後率二十歲

率音律又音類又所律反三音並通後皆放此也得

朔旦冬至凡二十推三百八十年黃帝僊登于天卿因所忠欲奏之所忠視其書不經疑其妄書謝曰寶鼎事

已決矣尚何以為卿因嬖人奏之上大說召問卿對曰
受此書申功申公已死上曰申功何人也卿曰申功齊
人也與安期生通受皇帝言無書獨有此鼎書曰漢興後
當黃帝之時漢之聖者在高祖之孫且曾孫也寶鼎出
而與神通封禪封禪七十二王

河圖云王者封太山禪梁父易姓登崇有七十

二君也

唯黃帝得上泰山封申功曰漢主亦當上封上封

則能僊登天矣黃帝時萬諸侯而神靈之封居七千天
下名山八而三在蠻夷五在中國中國華山首山太室

泰山東萊此五山黃帝之所常遊與神會黃帝且戰且
學僊患百姓非其道乃斲斬非鬼神者百餘歲然後得
與神通黃帝郊雍上帝宿三月鬼吏區號大鴻死塋雍
故鴻冢是也其後黃帝接萬靈明廷明廷者甘泉也所
謂寒門者谷口也黃帝采首山銅鑄鼎於荆山下鼎既
成有龍垂胡鬣下迎黃帝黃帝上騎羣臣後宮從上龍
七千餘人龍乃上去餘小臣不得上乃悉持龍鬣龍鬣
拔墮

徒果反

黃帝之弓百姓仰望黃帝既上天乃抱其弓

攀龍胡鐸號

戶高反下同

故後世因名其處曰鼎湖

括地志云湖水

原出號州湖城縣南三十五里
夸父山北流入河即鼎湖也

其弓曰烏號於是天子

曰嗟乎吾誠得如皇帝吾視去妻子如脫躡耳乃拜御

為郎東使候神於太室上遂郊雍至隴西西登空桐

空桐

山在原州平高縣西一百里

幸甘泉令祠官寬舒等具泰一祠壇壇

放薄忌泰一壇壇三垓五帝壇環居其下各如其方黃

帝西南除八通鬼道泰一所用如雍一時物而加醴棗

脯之屬殺一犛牛以為俎豆牢具而五帝獨有俎豆醴

進其下四方地為餼食

劉伯莊云謂繞壇設諸神祭座相連綴也

羣神從者

及北斗云已祠昨餘皆燎之其牛色白鹿居其中羣在

鹿中水而洎之

劉伯莊云以大羹和祭食燎之按以鹿內牛中以羣內鹿中水玄酒也

祭

日以牛祭月以羊羣特泰一祝宰則衣紫及繡五帝各如其色日赤月白十一月辛巳朔旦冬至昧爽天子始郊拜泰一朝朝日夕夕月則揖而見泰一如雍禮其贊饗曰天始以寶鼎神策授皇帝朔而又朔終而復始皇帝敬拜見焉而衣上黃其祠列火滿壇旁壇旁烹炊具

有司云祠上有光焉公卿言皇帝始郊見泰一雲陽

地特

志云漢雲陽宮在雍州雲陽縣北八十一里有通天臺即黃帝以來祭天國邸之處武帝以五月避暑八月乃

也有司奉瑄玉嘉牲薦饗

漢書儀云祭天養牛五歲至二千斤

是夜有美

光及晝黃氣上屬天太史公祠官寬舒等曰神靈之休

祐福兆祥宜因此地光域立泰時壇以明應令太祝領

祀及臘間祠三歲天子一郊見其秋為伐南越告禱泰

一以牡荆畫幡日月北斗登龍以象天一三星為泰一

鋒名曰靈旗

李奇云畫旗樹泰一壇上名靈旗畫日月北斗登龍等

為兵禱

為于偽反

則太史奉以指所伐國

韋昭云牡剛也荆強按用牡荆指伐國取其剛為稱故畫北旗

指之

而五利將軍使不敢入海之泰山祠上使人微隨驗

實無所見五利妄言見其師其方盡多不讐上乃誅五

利

漢武故事云東方朔言樂大無狀上發怒乃斬之

其冬公孫卿候神河南見

僊人跡緱氏城上有物若雉往來城上天子親幸緱氏

城視跡問卿得毋效文成五利乎卿曰僊者非有求人

主人主求之其道非少寬假神不來言神事事如迂誕

迂音于誕音但迂遠也誕大也

積以歲乃可致於是郡國各除道繕治

宮觀名山神祠所以望幸矣其年既減南越上有嬖臣
李延年以好音見上善之下公卿議曰民間祠尚有鼓
舞之樂今郊祠而無樂豈稱乎公卿曰古者祀天地皆
有樂而神祇可得而禮或曰泰帝使素女泰帝謂太
昊伏羲氏鼓
五十弦瑟悲帝禁不止故破其瑟為二十五弦於是塞
南越禱祠泰一后上始用樂舞益召歌兒作二十五絃
及箏篪瑟自此起其來年冬上議曰古者先振兵澤旅然
後封禪乃遂北巡朔方勒兵十餘萬還祭黃帝冢橋山

澤兵須如上曰吾聞黃帝不死今有冢何也或對曰黃

帝已僊上天羣臣葬其衣冠既至甘泉為且為于偽反

也

用事泰山

道書福地記云泰山高四千九百丈二尺周迴二千里

先類祠泰一

自得寶鼎上與公卿諸生議封禪

白虎通云王者易姓而起天下太平功成

封禪以告太平禪梁父之趾廣厚也刻石紀號著已之功續天以高為尊地以厚為德故增泰山之高以放天

禪梁甫之趾以報地封者附廣之禪者將以功相傳授之

封禪用希曠絕莫知其

儀禮而羣儒采封禪尚書周官王制之望祀射牛事齋人丁公年九十餘曰封者合不死之名也秦皇帝不得

上封陛下必欲上稍上即無風雨遂上封矣上於是乃
令諸儒習射牛草封禪儀數年至且行天子既聞公孫
卿及方士之言黃帝以上封禪皆致怪物與神通欲放
黃帝以嘗接神僊人蓬萊士高世比德於九皇而頗采
儒術以文之羣儒既以不能辯明封禪事又牽拘於詩
書古文而不敢騁上為封祠器示羣儒或曰不與古同
徐偃又曰太常諸生行禮不如魯善周霸屬圖封事於
是上絀偃霸盡罷諸儒弗用三月遂東幸緱氏禮登

中嶽太室從官在山下聞若有言萬歲云

漢儀注云有稱萬歲可十萬人聲

問上上不言問下下不言於是以三百戶封太室奉祠

命曰崇高邑

顏師古云以崇奉萬高山故謂之崇高也

東上泰山之草木茶

未生乃令人上石立之泰山顛上遂東巡海上行禮祠

八神齊人之上疏言神怪奇方者以萬數然無驗者乃

益發船令言海中神山者數千人求蓬萊神人公孫卿

持節常先行候名山至東萊言夜見一人長數丈就之

則不見見其跡甚大類禽獸云羣臣有言見一老父牽

狗言吾欲見巨公已忽不見上既見大跡未信及羣臣
有言老父則大以為僊人也宿留海上與方士傳車及
間使求僊人以千數四月還至奉高上念諸儒及方士
言封禪人人殊不經難施行天子至梁父禮祠地主乙
卯令侍中儒者皮弁薦紳射牛行事封泰山下東方如
郊祠泰一之禮封廣丈二尺高九尺其下則有玉牒書
書祕禮畢天子獨與侍中奉車子侯上泰山亦有封其事
皆禁明日下陰道丙辰禪泰山下趾東北肅然山如祭

后土禮天子皆親拜見衣上黃而盡用樂焉江淮間一
茅三脊為神藉五色土益雜封縱遠方奇獸蜚禽及白
雉諸物頗以加祠兕旄牛犀象之屬弗用皆至泰山然
後去封禪祠其夜若有光晝有白雲起封中天子從封
禪還坐明堂羣臣更上壽於是制詔御史朕以眇眇之
身承至尊兢兢焉懼弗任維聽菲薄不明于禮樂脩祀
泰一若有象景光肩如有望依依震於怪物欲止不敢
遂登封泰山至於梁父而后禪肅然自新嘉與士大夫

更始賜民百戶牛一酒十石加年八十孤寡布帛二匹
復博奉高蛇丘厯城毋出今年租稅其赦天下如乙卯
赦令行所過毋有復作事在二年前皆勿聽治又下詔

曰古者天子五載一巡狩用事泰山諸侯有朝宿地
其令諸侯各治邸泰山下

諸侯各於泰山朝宿地起第
佳擬天子用事泰山而居止

天子既已封禪泰山既無風雨雷而方士更言蓬萊諸
神山若將可得於是上欣然庶幾遇之乃復東至海上
望冀遇蓬萊焉奉車子侯暴病一日死上乃遂去並海

上北至竭石巡自遼西歷北邊至九原五月返至甘泉
有司言寶鼎出為元鼎以今年為元封元年其秋有星
茀于東井後十餘日有星茀于三能望氣王朔言候獨
見其星出如瓠食頃復入焉有司言曰陛下建漢家封
禪天其報德星云其來年冬郊雍五帝還拜祝祠泰一
贊饗曰德星昭衍厥維休祥壽星仍出淵耀光明信星
昭見皇帝敬拜泰況之饗其春公孫卿言見神人東萊
山若云見天子天子於是幸緱氏城拜卿為中大夫遂

至東萊宿留之數日母所見見大人跡復遣方士求神
怪采芝藥以千數是歲旱於是天子既出母名乃禱萬
里沙過祠泰山還至瓠子自臨寒決河留二日沈祠而
去使二卿將卒塞決河河徙二渠復禹之故跡焉是時
既滅南越越人勇之乃言越人俗信鬼而其祠皆見鬼
數有效昔東甌王敬鬼壽至百六十歲後世謾怠故衰
耗乃令越巫立越祝祠安臺無壇亦祠天神上帝百鬼
而以雞卜

雞卜法用雞一狗一生祝願訖即殺雞狗煮熱
又祭獨取雞兩眼骨上自有孔裂似人物形

則吉不足則凶今嶺南猶行此法也

上信之越祠雞卜始用焉公孫卿曰

僊人可見而上往常遽以故不見今陛下可為觀如緱氏城置脯棗神人宜可致且僊人好樓居於是上令長安則作蜚廉桂觀甘泉則作益延壽觀使卿持節設具而候神人乃作通天臺置祠具其下將招來神僊之屬於是甘泉更置前殿始廣諸宮室夏有芝生殿防內中天子為塞河興通天臺若有光云乃下詔曰甘泉防生芝九莖赦天下母有復作其明年伐朝鮮夏旱公孫卿

曰黃帝時封則天旱乾封

乾音干 蘇林云天旱欲使封土乾燥也 顏師古云三歲不

而暴所封之土今乾鄭氏云但祭不立尸為乾封

三年上乃下詔曰天旱意乾

封乎其令天下尊祠靈星焉

靈星即龍星也 張晏云龍星左角曰天田則農祥也 見而祭之

其明年上郊雍通回中道巡之春至鳴澤從西河歸其

明年冬上巡南郡至江陵而東登禮潛之天柱山號曰

南嶽浮江自尋陽出樅陽過彭蠡祀其名山川北至琅

邪並海上四月中至奉高脩封焉初天子封泰山泰山

東北趾古時有明堂處處險不敞上欲治明堂奉高旁

未曉其制度濟南人公玉帶上黃帝時明堂圖明堂圖
中有一殿四面無壁以茅蓋通水圜宮垣為複道上有
樓從西南入命曰昆侖天子從之入以拜祠上帝焉於
是上令奉高作明堂汶上如帶圖及五年脩封則祠泰一
五帝於明堂上坐令高皇帝祠坐對之祠后土於下房
以二十太牢天子從崑崙道入始拜明堂如郊禮禮畢
燎堂下而上又上泰山有祕祠其顛而泰山下祠五帝
各如其方黃帝并赤帝而有司侍祠焉泰山上舉火下悉

應之其後二歲十一月甲子朔旦冬至推歷者以本統
天子親至泰山以十一月甲子朔旦冬至日祠上帝明
堂每脩封禪其贊饗曰天增授皇帝泰元神策周而復
始皇帝敬拜泰一東至海上考入海及方士求神者莫
驗然益遣冀遇之十一月乙酉栢梁裁十二月甲午朔
上親禪高里祠后土臨渤海將以望祠蓬萊之屬冀至
殊庭焉上還以栢梁裁故朝受計甘泉

顧脩云栢梁被燒故受記故之

物於甘泉也顧師古曰受卿國計簿也

公孫卿曰黃帝就青靈臺十二日

燒黃帝乃治明庭明庭甘泉也方士多言古帝王有都

甘泉者其後天子又朝諸侯甘泉甘泉作諸侯邸勇之

乃曰越俗有火裁復起屋必以大用勝服之於是作建

章宮

括地志曰建章宮在雍州長安縣西二十里長安故城西

度為千門萬戶前殿

度高未央其東則鳳闕高二十餘丈其西則唐中數十

里虎圈

圖其遠反括地志云虎圈天在長安城中西偏也

其北治大池漸臺

臣瓚

云泰液言象陰陽

高二十餘丈名曰泰液

臣瓚云泰液言象陰陽

液以作池也

池中有蓬萊方丈瀛洲壺梁象海中神山龜魚

之屬其南有玉堂壁門大鳥之屬乃立神明臺并幹樓度
五十餘丈輦道相屬焉夏漢改厯以正月為歲首而色
上黃官名更印章以五字因為太初元年是歲西伐大
宛蝗大起丁夫人雒陽虞初等以方祠詛匈奴大宛焉
其明年有司言雍五時無牢熟具芬芳不備乃命祠官
進時犢牢具五色食所勝而以木耦馬代駒焉獨五帝
用駒行親郊用駒及諸名山川用駒者悉以木耦馬代
行過乃用駒他禮如故其明年東巡海上考神仙之屬

未有驗者方士有言黃帝時為五城十二樓以候神人

於執期命曰迎年

顏師古云迎年若言祈年

上許作之如方明年上

親禮祠上帝衣上黃焉公玉帶曰黃帝時雖封泰山然

風后封鉅歧伯

張揖云歧伯黃金太醫

令黃帝封東泰山禪凡山

合符然後不死焉天子既令設祠其至東泰山東泰山

卑小不稱其聲乃令祠官禮之而不封禪焉其後令帶


奉祠候神物夏遂還泰山脩五年之禮如前而加禪祠

石閭石閭者在泰山下趾南方方士多言此僊人之閭

也故上親禪焉其後五年復至泰山脩封還過祭常山
今天子所興祠泰一后土三年親郊祠建漢家封禪五年
一脩封薄忌泰一及三一冥羊馬行赤星五寬舒之祠
官以歲時致禮凡六祠皆太祝領之致如八神諸神明
年凡山他名祠行過則祀去則已方士所興祠各自主
其人終則已祠官弗主他祠皆如其故今上封禪其後
十二歲而還徧於五嶽四瀆矣而方士之候祠神人入
海求蓬萊終無有驗而公孫卿之候神者猶以大人跡

為鮮無其效天子益急厭方士之怪迂語矣然終羈縻弗絕異遇其真自此之後方士言祠神者彌衆然其效可睹矣

太史公曰余從巡祭天地諸神名山川而封禪焉入壽宮侍祠神語究觀方士祠官之言於是退而論次自古以來用事於鬼神者具見其表裏後有君子得以覽焉至若俎豆珪幣之詳獻酬之禮則有司存焉



史記正義卷十二

欽定四庫全書

史部

史記正義卷十三至十四

詳校官編修臣李如筠

欽定四庫全書

史記正義卷十三

唐 張守節 撰

三代世表第一

三代世表以五帝久古傳記少見夏殷以來乃有尚書略有年月比於五帝事迹

易明故舉三代為著明也明言事微

史記十三

太史公曰五帝三代之記尚矣自殷以前諸侯不可得

而譜

譜布也列其事也

周以來乃頗可著孔子因史文次春秋

紀元年正時日月蓋其詳哉至於序尚書則略無年月

或頗有然多闕不可錄故疑則傳疑蓋其慎也余讀課
記黃帝以來皆有年數稽其歷譜課終始五德之傳古
文咸不同乖異夫子之弗論次其年月豈虛哉於是以
五帝繫課尚書集世紀黃帝以來訖共和為世表

帝王世
國號

顓頊屬

咎屬

堯屬

舜屬

夏屬

殷屬

周屬

黃帝

黃帝生

黃帝生

黃帝生

黃帝生

黃帝生

黃帝生

黃帝生

號有熊

昌意

玄囂

玄囂

昌意

昌意

玄囂

玄囂

帝顓頊 黃帝孫 起顓頊 至顓頊 三世	帝啓 黃帝曾孫 起黃帝 至黃帝 四世	帝堯 起黃帝 至黃帝 五世	帝舜 黃帝玄孫 號虞
昌意生 顓頊為			
玄囂生 嶠極	嶠極生 高辛高 辛生帝 啓		
玄囂生 嶠極	嶠極生 高辛高 辛生故 勛	放勛為 堯	
昌意生 顓頊顓頊	窮蟬生 敬康敬 康生句 望	句望生 嶠牛嶠 牛生替 史	替史生 重華是 為帝舜
昌意生 顓頊			顓頊生 鯀鯀生 文帝
玄囂生 嶠極嶠	高辛 生高 辛	高為 殷祖	高生 昭明
玄囂生 嶠極嶠	高辛生 后稷為 周祖	后稷生 不窋	不窋生 鞠

帝禹
黃帝耳
孫號夏

文命是昭明生
鞠生
為禹相土公劉

帝啟
伐有扈
甘誓

相土生
昌若
公劉生
慶節

帝太康

昌若生曹
國曹國生
慶節生皇
僕皇僕生
差弗

帝仲康
太康弟

冥生振
差弗生毀
渝毀渝生
公非

帝相

振生微微
生報丁
公非生高
田高田生
亞圍

帝少康

報丁生報
乙報乙生
報丙
亞圉生公
祖類

帝子相為過
澆所城后歸
有仍生少康其
子子復禹績

報丙生主
壬主壬生
主癸
生公祖類
生太王
鹽父

帝槐

主癸生天乙
是為殷湯
從湯至黃帝
十七世
主癸生天乙
歷季歷生
文王昌並
易卦

帝芒

文王昌生
武王發

帝泄

帝不降

帝局

弟 不降

帝厘

帝孔甲

不降子好鬼神淫
亂不好德二龍去

帝皐

帝發

帝履癸

是為桀

從禹至桀十七世從黃帝至桀二十世

殷湯代夏氏殷湯

從黃帝至湯十七世

帝外丙

湯太子太丁蚤卒故立次弟外丙

帝仲壬

外丙弟

帝太甲

故太子太丁子淫伊尹放之桐宮三年悔過自責伊尹乃迎之復位

帝沃丁

伊尹弟

帝太庚

沃丁弟

帝小甲

太庚弟殷道衰諸侯或不至

帝雍己

小甲弟

帝太戊

雍已弟以桑
叔生稱中宗

帝中丁

帝外壬

中丁
弟

帝河亶甲

外壬
弟

帝祖乙

帝祖辛

帝沃甲

祖辛
弟

帝祖丁

祖辛
子

帝南庚

子沃甲

帝陽甲

子祖丁

帝盤庚

陽甲弟
徙河南

帝小辛

弟盤庚

帝小乙

弟小辛

帝武丁

雉升鼎耳雖得
傳說稱高宗

帝祖庚

帝甲

祖庚
弟注

帝廩辛

帝庚丁

廩辛弟戊
徙河北

帝武乙

慢神
震死

帝太丁

帝乙

殷益
哀

帝辛

是為
紂弑

從湯至紂二十九世從黃帝至紂四十六世

周武王代殷

從黃帝至武
王十九世

	成王誦	
弟王武初封	旦公周	魯
師王武王文初封	尚公太	齊
子王武初封	虞叔唐	晉
初封	惡來	秦
王丈事初封	力廉父助 有飛紂	楚
兄庶紂初封	熊鬻父繹繹熊	宋
弟王武初封	啟子微	衛
後之舜初封	叔康	陳
弟王武初封	滿公胡	蔡
弟王武初封	度叔	曹
弟王武初封	繹振叔	燕
姓同周初封	奭公召	

康王釗

魯公

丁公

晉侯

女防

熊入

微仲

康伯

申公

蔡仲

九世

刑錯四十餘年

伯禽

呂伋

樊

啟弟

侯至東

昭王瑕

考公

乙公

武侯

旁皐

熊熙

宋公

孝伯

相公

蔡伯

太伯

南廵不返不赴
諱之

穆王滿

煬公

癸公

成侯

大儿

熊勝

丁公

嗣伯

孝公

宮侯

仲君

作甫刑荒服不
至

弟考公

恭王伊扈

幽公

哀公

厲侯

大駱

熊煬

弟丁公

夷伯

慎公

厲侯

宮伯

懿王堅

周道衰詩人
作刺

魏公

胡公靖侯非子

熊渠

煬公
弟潞公

靖伯幽公武侯孝伯

孝王方

懿王弟

厲公

獻公
弑胡公

秦侯

熊無康

厲公貞伯釐公

夷伯

夷王燹

懿王子

獻公

厲公弟

武公

公伯

熊
紅鷩

釐公頃侯

厲王胡

以寇開遇亂出
奔遂死于亂

真公

秦仲

熊延
紅弟

釐侯

共和

二伯行政

武公
真公
弟

熊男

張夫子問褚先生曰詩言契后稷皆無父而生今案諸傳記咸言有父父皆黃帝子也得無與詩謬乎褚先生曰不然詩言契生於卵后稷人迹者欲見其有天命精誠之意耳鬼神不能自成須人而生奈何無父而生乎一言有父一言無父信以傳信疑以傳疑故兩言之堯知契稷皆賢人天之所生故封之契七十里後十餘世

至湯王天下堯知后稷子孫之後王也故益封之百里
其後世且千歲至文王而有天下詩傳曰湯之先為契
無父而生契母與姊妹浴於玄丘水有燕銜卵墮之契
母得故含之誤吞之即生契契生而賢堯立為司徒姓
之曰子氏子者茲茲益大也詩人美而頌之曰殷社芒
芒天命玄鳥降而生商商者質殷號也文王之先為后
稷后稷亦無父而生后稷母為姜嫄出見大人蹟而履
踐之知於身則生后稷姜嫄以為無父賤而棄之道中

羊牛避不踐也抱之山中山者養之又捐之大澤烏覆席
食之姜嫄怪之於是知其天子乃取長之堯知其賢才
立以為大農姓之曰姬氏姬者本也詩人美而頌之曰
厥初生民深修益成而道后稷之始也孔子曰昔者
堯命契為子氏為有湯也命后稷為姬氏為有文王也
太王命季歷明天瑞也太伯之吳遂生源也天命難言
非聖人莫能見舜禹契后稷皆黃帝子孫也黃帝策天
命而治天下德澤深後世故其子孫皆復立為天子是

天之報有德也人不知以為記從布衣匹夫起耳夫布衣匹夫安能無故而起王天下乎其有天命然黃帝後世何王天下之久遠邪曰傳云天下之君王為萬夫之黔首請贖民之命者帝有福萬世黃帝是也五政明則修禮義因天時舉兵征伐而利者王有福千世蜀王黃帝後世也

譜記普云蜀之先肇於人皇之際黃帝與子昌意娶蜀山氏女生帝偕立封其支庶於蜀

歷虞夏商周哀先稱王者蠶叢國破子孫居姚倚等處

至今在漢西南五千里常

來朝降輸獻於漢非以其先之有德澤流後世邪行道

德豈可以忽乎哉人君王者舉而觀之漢大將軍霍子
孟名光者亦黃帝後世也此可為博聞遠見者言固難
為淺聞者說也何以言之古諸侯以國為姓霍者國名
也武王封弟叔處於霍後世晉獻公滅霍公後世為庶
民往來居平陽平陽在河東河東晉地分為魏國以詩
言之亦可為周世周起后稷后稷無父而生以三代世
傳言之后稷有父名高辛高辛黃帝曾孫黃帝終始傳
曰漢興百有餘年有人不短不長出白燕之鄉

一作白
晁按霍

光平陽人平陽今晉州霍邑本秦時霍伯國漢為氐縣
後漢改氐曰永安隋又改為霍邑遍檢記傳無白燕之
名疑白氐是鄉之名持天下之政時有嬰兒主卻行車霍將軍者

本居平陽白燕臣為郎時與方士考功

謂年老為方士最功也

會

旗亭下為臣言豈不偉哉

史記正義卷十三